

INFO SESIJA

Stručna praksa studenata Ekonomskog fakulteta Brčko



Dana, 1.11.2023. godine, Savez studenata je realizovao događaj pod nazivom „Info sesija – Stručna praksa studenata Ekonomskog fakulteta Brčko”.

U okviru navedenog događaja, studenti su imali priliku da predstave svoja iskustva sa uspješno obavljene prakse u Centralnoj Banci Bosne i Hercegovine Filijala Brčko i Narodnoj banci Srbije.

U svom pozdravnom govoru, prodekan za nastavu i studentska pitanja prof. dr Lejla Terzić je istakla da Ekonomski fakultet Brčko uspješno povezuje i usklađuje zahtjeve visokoškolskog obrazovanja sa zahtjevima privrede, idući u korak sa najsavremenijim dostignućima ekonomske nauke.

Rukovodstvo fakulteta u saradnji sa studentima, radi na povezivanju svojih ciljnih grupa kroz organizaciju različitih društvenih događaja, uključujući i ovu, drugu po redu Info sesiju, čiji je cilj da se studenti motivišu i informišu o mogućnostima obavljanja stručne prakse kako u lokalnoj zajednici, tako i u regionu.



U tekućoj 2023. godini, motivisane iskustvima prethodnih generacija, privremno radni angažman u Centralnoj banci BiH Filijala Brčko i Narodnoj banci Srbije, obavile su studentkinje Ajla Ibrišimović i Elmedina Fazlović i Nikolina Marković. Početkom akademske 2023/24. Ekonomski fakultet Brčko je potpisao Memorandum o saradnji sa dva knjigovodstvena biroa.

Kao rukovodilac Naučno-istraživačkog centra Ekonomskog fakulteta Brčko, studentima se obratila doc. dr Lidija Mitrašević, koja je informisala studente o organizaciji i načinu funkcionisanja ovog centra, te je naznačila da je u toku priprema za edukativnu igru “Monetura”, čija je nagrada odlazak na praksu u Narodnu banku Srbije.

Takođe je pozvala akademsko osoblje i studente Ekonomskog fakulteta Brčko da konkurišu za nagradu „Zlatno S za najbolji rad iz ekonomije i bankarstva”, koju organizuje Sparkasse Bank BiH.

[NICEF – Poziv za studente Ekonomskog fakulteta Brčko \(„Monetura“\)](#)

[NICEF – Konkurs za nagradu "Zlatno S iz ekonomije i bankarstva"](#)